

30

25

20

15

10

5

說約
合參

四書正解

卷之二十六
孟子告子上

113
863
26



卷一
13
863
26

四書大全說約合叅正解卷之二十六

童嘉駒幼千

正十五年二月
方伯文郎氏著

丹陽吳基藜右齋輯

受業門人劉鶴齡天與全校

孟子

告子章句上

凡二十章

性猶章全旨

通章告子認性本無仁義故着一以字又看二爲

字孟子就他爲字生出戕賊字以折之而告子之

說窮矣首節告子卽物論性下節孟子闡其立論之非而究其貽害之大蓋告子認性是蠢然之物仁義是造作而成其病根在一爲字不知性中自有仁義如孩提知愛可見性中
有仁稍長知敬可見性中有義費不得一毫人力着不得一
些勉強孟子看他病根所在故以戕賊二字換他爲字益見
爲字之謬告子爲字是旨意變徒孟子又就他破綻處大爲
裂開只折其非未

告以性爲何物

告子曰性猶杞柳也義猶枯棬也以人性爲仁

義猶以杞柳爲枯棬

枯音杯棬

丘圓反

性者人生所稟之天理也杞柳拒柳枯棬屈木所爲若尼也

之屬告子言人性本無仁義必待

矯揉而後成如荀子性惡之說也

參序告子以性爲惡岐性與仁義而二之乃言于孟子曰今之言性者必言仁義矣自我觀之人之生而有性也其知覺運動不過塊然一物而已猶杞柳之質也人之行事而有仁義也其舉動措施皆非出于自然猶枯棬之器也人性本無仁義之名以人性而強爲仁義猶杞柳本無枯棬之形以杞而強爲枯棬皆人力使然而已矣

析講性猶杞柳一句且虛講下二句方可發人性本無仁義之意告子認氣爲性卽後章生之謂性意而性與仁義分矣講此處切勿用降衷等語○猶杞柳也上無仁字者告子謂仁內義外把仁字看做騎墮的義則斷乎非性有也○

魯齋王氏曰朱子釋性字指性之

孟子曰子能順杞柳之性而以爲枯棬乎將狀賊杞柳而後以爲枯棬也如將狀賊杞柳而以爲枯棬則亦將戕賊人以爲仁義與率天下之人而禍仁義者必子之言夫

戕音牆與平

聲夫昔扶

不肯爲是因子之言而爲仁義之禍也

參序孟子詰之曰枯棬有待于爲仁義順吾性而出之卽是此原不可相提而並論也以杞柳論子豈能順杞柳之性不加矯揉而遂自然以爲枯棬平抑雖斬伐之屈撲之戕賊杞柳之本然而後以爲枯棬也如將戕賊杞柳而後以爲枯棬則亦將戕賊人之本然斬喪其性而後以爲仁義與此言一出人皆曰性中本無仁義欲爲仁義寔害于性于是棄仁義而不爲是幸天下之人而爲仁義之

禍者必于之言夫其貽害可勝言哉

析講天全真西山曰子能一句非兩詰之詞乃是言子豈能如彼必辭如此也如將二句方是卽其言難之○禍仁義玩二註是說人因此不肯爲仁義便害了仁義是子之言爲仁義之禍不是人以仁義爲人性之禍之說而禍仁義者必子之一言倒裝文法也○朱子曰杞柳必矯揉而後爲枯捲性非矯揉而爲仁義孟子辨告子數處皆辨倒着告子便休不曾說詳盡道理○告子數章俱是立論不是問辭○輔慶源曰不言哉賊人之性而言我賊人者人之所以爲人者性也○饒雙塗曰禍仁義與楊墨充塞仁義相似○蒙引孟子之論性善其辨甚力蓋此一字差則天下之事皆廢矣堯舜之精工執中亦只是性善上事成湯云惟皇上帝降衷于下民若有恒性卽天命之謂性也性善之說有自來矣此性既善然後君師之道可舉以賞善而罰惡抑邪而扶正而天下之事可從而理矣若說性惡或性善惡混則世間不仁不義無父無君之事何所不可爲哉此孟子所以諄諄于此也○邪說暴行二者相依凡有暴行必有邪說當時既有性惡之論則世道可知矣故弑父與君無所不至而曰彼性惡也奈之何哉殊

不知天地以生物爲心則所生之物安得有性惡之理爲此說者是謬天也

湍水章全旨

此章首節告子言性無定體善惡皆由于使然後二節孟子言性有定體善其本然而惡乃使然人無有不善一句爲通章要旨總註甚明快

告子曰性猶湍水也決諸東方則東流決諸西方則西流人性之無分於善不善也猶水之無分於東西也

湍他端反

湍波流滌向之貌也告子因前說而小變之近於楊子善惡混之說

叅序告子曰人之性猶湍水之爲物也但決諸東方則東流而非一定于東決諸西左則西流而非一定于西人性之無分乎善與不善而未有定體顧人所爲何如也猶水之無分于東與西而未有定向也亦惟人之所決何如耳

析講大全輔氏曰告子本以氣爲性此說亦然故曰因前說

但前說以性爲惡，必矯操而後可爲善。而此說只以性本無善惡，但可以爲善，可以爲惡耳。此其爲小變也。○性猶句盧洪詣二句，言湍水人性二句，正說猶湍水。

孟子曰：水信無分於東西，無分於上下乎？人性之善也，猶水之就下也。人無有不善，水無有不下。

下

言水誠不分東西矣，然豈不分上下乎？

性卽天理，未有不善者也。

參序孟子曰：水之流信無分於東西矣，然豈不分於上下乎？
決諸東方則東流，必東方地勢爲最下也。決諸西方則西流，必西方地勢爲最下也。彼人性之本然善也，猶水之本然下也。但凡爲人，卽無問智愚，無有不善。一有不善，卽非人之性矣。但凡爲水，卽無問東西，無有不下。一有不下，便非水之性矣。然則性固有定體矣。

析講不善乃性之一習，非性之體。東西乃水之勢，非水之性也。

今夫水搏而躍之，可使過顙激而行之，可使在山是豈水之性哉？其勢則然也。人之可使爲不善，其性亦猶是也。

夫昔扶搏，補各反。

搏擊也，躍跳也。顙額也。水之過顙，在山皆不就下也。然其本性未嘗不就下也。但爲搏擊所使，而逆其性耳。○此章言性本善，故順之而無不善；本無惡，故反之而後

爲惡。非本無定體，而可以無所不爲也。
參趙註：然水無不下，而亦有不下者，何哉？今夫水人以手搏而躍之，可使之奮起而過顙，若遇其下流激而行之，可使之壅，而在山是適顙，在山豈水本然之性哉？其迫于搏激之勢，使之則然也。人之可使爲不善，非其性之本然也。其性爲物

欲所誘利害所迫失其本體而然亦猶水之爲搏激所使也
搏激過而依然就下利欲去而依

然爲善無分于善不善是何說耶

析講蒙引人之可使爲不善如何說其性亦準是蓋言其性爲人所逆亦猶水之爲搏擊所使也○此節正駁他前二決宗不是爲不善人分疏正見人無有不善處蓋

不善由于後來之習可見本然之性無不善也以理責之次章因其言性之非而以理喻之此章因其言性之非而以理折之

告子曰生之謂性

生指人事物之所以知覺運動者而言告子論性前後四章語雖不同然其大指不外乎此與近世佛氏所謂作用是性者畧相似

參大全告子曰性之爲性非他也有生之初稟得天地之生气而有此知覺有此運動者這便是性何嘗有善不善哉

析講生活也分言之知覺屬心運動屬身○告子此句是以生字貼性宗欲性字有歸着也朱子曰生之謂氣生之理之謂性剖斷簡切○饒雙峰曰有生之初所以能知覺運動者屬平氣其所得于天以爲仁義禮智之性者屬平理告子認氣爲性故有此說○王觀濤曰知覺運動非正講生字所以知覺運動這等活潑乃謂生也○此生字告子本意專以人言下文孟子乃詰其混人物于無上辨也此節人字可露物字且勿露

孟子曰生之謂性也猶白之謂白與曰然白羽之白也猶白雪之白白玉之白與曰然

與平聲

白之謂白猶言凡物之白者同謂之白更無差別也白羽以下孟子再問而告子曰然則是謂凡有生者同是一性矣參序告子以氣爲性則理氣不明而人物無辨矣孟子姑就他立說之本旨而詰之曰生之卽謂性也猶凡物之白者俱

謂之白，與告子不思到以生爲性，便有混人于物之失而直二
菴之曰然孟子又申之曰天下之物號爲白者多矣今凡白
糊謂之白，將謂白羽之白也，卽猶白雪之白，白雪之白，卽猶
自主之白，而更無差別。與告子曰然其白既同安得不謂之
白也彼蓋欲申其白之謂白之說而不

知生之謂性之非固自此而可闢矣

析講大全蔡氏曰生之謂性也是依他立說之本旨爲辭，欲
堅其說令其不得遁而後破之也。自羽四句總申白之謂白，
包惟論生而不論生之理，則凡生皆謂之性論白而不論白
之質，則凡物皆謂之白。上三印字是我去白之告子生之謂
性混人物在其中孟子一聞其說便覺人物自是不同，如此
說不得胸中便自有犬之性，一假話說了故先難之云上云告
予于此若以爲不然則不得謂生之謂性矣。若以爲然則犬
牛之性猶人之性矣。故朱子于此註云則是凡有生者同是
一性矣。卽下文云也講本文不在于此處就依註貼須要人
起得下文。按此註凡物之白更無差別亦勿便貼充猶白之
謂白句當于下白羽云云貼出爲妥。○羽雪曰質本
不同然此節只重在同謂之白不重在質之異上

然則犬之性猶牛之性牛之性猶人之性與

孟子又言若果如此則犬牛與人皆有知覺皆能運動其性
皆無以異矣於是告子自知其說之非而不能對也。愚按
性者人之所得於天之理也。生者人之所得於天之氣也。性
形而上者也。氣形而下者也。人物之生莫不有是性亦莫不
有是氣然以氣言之則知覺運動人與物若不異也。以理言
之則仁義禮智之稟豈物之所得而全哉。此人之性所以舞
不善而爲萬物之靈也。告子不知性之爲理而以所謂氣者
當之是以杞柳湍水之喻食色無善無不善之說縱橫繆戾
粉飾舛錯而此章之誤乃其本根所以然者蓋徒知知覺運
動之蠢然者人與物同而不知仁義禮智之粹然者人與物
異也孟子以是折之其義精矣

參序孟子因而折之曰若然則凡同上性大之性
固同牛之性牛之性遂亦同人之性而更無差別與吾
知生則人之所同性則人與物異生豈卽性之謂乎

析講雲峰胡氏曰大學中庸首章或問皆以爲人物之生理
同而氣異而此則以爲氣同而理異何也蓋自大本太原上

說太化流行賦予萬物何嘗分人與物此理之同也但人得其氣之正且通者物得其氣之偏且塞者此氣之異也人物既得此氣以生則人能知覺運動物亦能知覺運動此又其氣之同也然人得其氣之全故于理亦全物得其氣之偏故于理亦偏是人與物又不能不異矣理同而氣異是從人物有生之初說氣同而理異從人物有生之後說朱子之說精矣○朱子曰氣相近如知寒暖識飢飽好生惡死趨利避害人與物都一般理不同如蜂蟻之君臣只是他義上有二點明虎狼之父子只是他仁上有二點明其他更推不去○家引犬之性猶牛之性此句只牽過一失以起下句觀四大註不引區別牛犬之不同處可見○存疑告子以生爲性故見得人初生時只是這知覺運動未必就善須後來修爲方善故有二杞柳之說又見得人初生之時知覺運動者一般都未見得或善惡待後來習善則善習惡則惡故有湍水之說又見得人生則能甘食悅色死則不能故有食色之說故曰此章之誤乃其根本也

食色章全旨

此章得力在長之者一句義不在彼之長而在我長之之心前義之非外極明白丁下二節不過因

告子曰食色性也仁內也非外也義外也非內也

告子以人之知覺運動者爲性故言人之甘食悅色者卽其性故仁愛之心生於內而事物之宜由乎外

學者但當用力於仁而不必求合於義也

叅序疑告子以知覺運動爲性乃復伸其說曰人生而甘食悅色是卽性也夫甘食之悅之之心生於我者也可甘可悅之宜具于物者也由吾心之甘悅而推之則凡吾心之愛皆謂之仁而愛心生于內故仁內也非外也由食色之可甘可悅而推之則凡事物之宜皆謂之義

而事物存乎外故義外也非內也

折講仁內四句承上食色推開泛說不貼定食色說仁字告子專指愛之心說亦認作生之類其言已非敷內字猶近似至平以義爲外其言尤謬故孟子獨辨之○庚全朱子曰告

子先云，仁義猶格物，其意以仁義爲外，既得孟子說，方畧認。不爲在內。○輔氏曰，知其食色之美，而甘之，悅之，即知譽也。甘與悅，卽運動也。○蒙引仁者心之德愛之理，而告子只言心之愛爲仁德，與理字都無，此正當以生爲性，一類義者，心之制事之宜，而告子只以事宜爲義，心之制，都無了。蓋事物之宜，雖若在外，而事物之所以得其宜，則不在外也。○告子主意不在內，全是以仁內決義外故，孟子姑置不論，只就義外詰他。○註學者但當用力于仁云云，非告子本意，告予以食色爲性，大旨已差，故言仁義，俱就粗處說，原不設到功夫，上也。

孟子曰，何以謂仁內義外也？曰，彼長而我長之，非有長於我也。猶彼白而我白之，從其白於外也。故謂之外也。
長上聲

下同

我長之，我以彼爲長也。我白之，我以彼爲白也。衆存疑孟子曰，仁義一也，何以謂仁內而義獨在外也？曰，吾

聞之，義莫重于敬長，誠以長言之，因彼年之長，而吾方去長之，原非先有長之心，在我也。猶彼色白，而我方去以白稱之，從其白于外，非先有白之心于我也。故謂義爲外也。析講我長只稱其年齒，勿露敬字，是白告子本意俱指人言，至下孟子辨之，則兼罵說，故謂之外，句只承彼長，二句說言義主上，長長既在外，故以義爲外也。○告子只就長上認義，却不就長之上認義，故以爲在外。

曰，異於白馬之白也，無以異於白人之白也。不識，長馬之長也，無以異於長人之長。與平聲者，義乎，長之者，義乎。
下同

張氏曰，上異於二字，疑從李氏曰，或有闕文焉。愚按，白馬白人所謂彼白，而我白之也。長馬長人所謂彼長，而我長之也。白馬白人不異，而長馬長人不同，是乃所謂義也。義不，在彼之長，而在我長之心，則義之非外明矣。

參蒙引

孟子承其喻，而辨之曰，子以白喻長，非其倫矣。蓋人

有白者馬亦有白者白馬之白白人之白不過以彼爲白耳此誠無以異也若長那個馬之長也亦無以異于長那个人之長與吾知長馬則是口頭道個老大的馬若長人則是誠敬之心發于中波以白比長終是比不得且更有二說汝以彼之年長者卽爲義乎柳將以我尊之爲長此恭敬之心爲義乎如以長者爲義則敬因乎人義可以爲在處矣若以長之爲義則敬由中出義豈在外哉

析講白馬四句輕只起下且謂一句之意蓋長馬與長人不同是就隨事制宜上見義且謂二句只就敬長之敬上見得敬由于我則義由中出明矣然須得詰問口吻莫遽說明義之在內○自馬之白四句是辨其以白喻長之非且謂二句是辨彼長而我長之非白馬白人俱是稱之爲白長馬亦是稱之爲長惟長人則必行吾心之敬以敬之所以不同也○且謂二句專以人言不兼馬也

曰吾弟則愛之秦人之弟則不愛也是以我爲悅者也故謂之內長楚人之長亦長吾之長是

以長爲悅者也故謂之外也

言愛主於我故仁在內敬主於長故義在外

參蒙引告子曰我亦非以長者爲義也但自其長之不同于愛者觀之則仁自在內而義自在外耳如吾弟則吾愛之秦人之弟則吾不之愛也施愛有不同是所生在我一人雖不得我之愛也故仁謂之內皆長則異是矣長楚人之長亦長吾之長不論親疎惟長是視我不得沒人之長而所生不在我也故義謂之外也告子此言雖知以長之者爲義而究不知所以長之者不出于長而出于心也

析講此條分明再伸義外之說必帶仁說者特借以我爲悅形容以長爲悅之在外且意甚謂不必說甚長人長馬只就其出于心也○彙解仁義一理也親親而仁民則吾弟固愛人之中而長亦有兩等我只一概長之初無分別非若愛人者有愛有不愛我自做得主張告子終以長之爲外而不知秦人之弟亦未始不當愛也妻兄悌故敬可移于長則長楚人之長亦由吾長而推之但有差等耳如何分得内外此等正大道理孟子不暇與之言下文只就其所明而通之耳○

告子此節議論仍是彼長而我長之二句之意。○秦人楚人只大抵言疎遠之人不必拘。

曰耆秦人之炙無以異於耆吾炙夫物則亦有然者也然則耆炙亦有外與

耆與耆同
夫音扶

言長之耆之皆出於心也林氏曰告子以食色爲性故因其所明者而通之。自篇首至此四章告子之辯屢颺而屢變其說以求勝卒不聞其能自反而有所通也此正其所謂不得於言然後求於心者所以卒於鹵莽而不得其正也。參蒙引孟子折之曰長楚人之長亦長吾之長長有同情人固有然者耆秦人之炙亦耆吾炙而無以異焉味有同耆物亦有然者今子謂以長爲悅而在外然則人之耆炙亦以炙爲悅而有外與炙在外而耆之則在內長在內而長之則在內義不在外明矣子既明于其食必明于耆矣矣胡不引而通之乎

析講大全蔡氏曰此卽上文長者義乎長之者義乎之說但因其明而通之耳大抵告子非專以義屬長者不屬長之者

也他連長之都認在外故孟子只申明長之之在內而義之在內卽見之。王觀濤曰物字指炙然字指耆之同亦字對上長有同然說炙雖在外而所以耆之者必由中出乃性之自然非物之使然故知義亦在內告子明于其食之性故孟子借耆炙之說比類通之

孟季章全旨此章行吾敬一旬已盡義內之旨下文因時制宜之說亦非在行吾敬之外正行敬之妙用也然公都子固知義根于心而猶未知義妙于時故被季子難倒得孟子庸敬斯須之敬之說遂悟一喟字生出冬日夏日之耆正所以發明敬有轉移皆心之因時制宜處便益見義之在內而不在外矣

孟季子問公都子曰何以謂義內也

孟季子疑孟仲子之弟也蓋聞孟子之言而未達故私論之參序孟季子聞孟子義內之說而未達故問公都子曰人皆以義爲外而孟子獨以爲在內不知何以謂義內也

所敬之人雖在外然知其當敬而行吾心之敬以敬之則不在外也

參蒙引公都子曰義上子敬者也有子于此在所讌

敬而行吾心之敬以敬之是敬由心出故謂之內也

析講此卽上章義不在彼之長而在我長之心之意益當時彼長而我長之說公都子與季子皆熟聞之故公都子亦卽就敬是一端以發孟子之意○行吾敬有味益所行者乃吾心之敬故謂之義內卽孟子長之爲義之說也

鄉人長於伯兄一歲則誰敬曰敬兄酌則誰先

曰先酌鄉人所敬在此所長在彼果在外非由

內也

長上

聲伯長也酌酌酒也此皆季子問公都子答而

季子又言如此則敬是之心果不由甲出也

參蒙引孟季子未達意以敬雖在內然吾所以用其敬者則在外也曰伯兄吾知其當敬矣假如鄉人長于伯兄一歲亦

所敬在兄當酌之行所敬又在鄉人之長者惟視其在外者而轉後告子謂義在外義果在外非由內也

柳講一歲字須元蔡氏曰鄉人若不長于伯兄則必敬兄若五年以長十年以前則敬鄉人無是此間亦是用術處知義內者必曰敬兄然後出得兩則誰先一句以搖奪之既曰先酌鄉人則敬是之心不得自主而爲外所奪矣故曰義外○伯兄鄉人之辨依舊是長者長是楚長之說據孟季子此問

把敬與酌做一例看都是外面虛士

公都子不能答以告孟子孟子曰敬叔父乎敬

弟乎彼將曰敬叔父曰弟爲戶則誰敬彼將曰

敬弟子曰惡在其敬叔父也彼將曰在位故也

子亦曰在位故也庸敬在兄斯須之敬在鄉人

惡平聲

尸祭祀所主以象神雖子弟爲之然敬之當如祖考也在位弟在尸位鄉人在賓客之位也庸常也

斯須暫時也疊時制宜皆由中出也

參序公都于屈于對而不能達以告孟子孟子教之辨曰于盍倣其伯兄鄉人之意而詁之曰弟與叔父皆親也敬叔父乎敬弟乎吾知弟雖親不可加于叔父彼將答曰敬叔父則與敬兄者無異君子又因其酌則誰先而詁之曰弟固不得與叔父並尊矣設弟爲祖考之尸以象神則誰敬吾知叔父雖尊心不可加于尸彼將曰敬弟則與先酌鄉人無異君子乃從而折之曰既曰敬弟則敬叔父之心移之于弟矣惡在其爲敬叔父也彼將答曰所以敬弟者以弟在尸位故也叔父雖尊不得不爲祖考屬矣子亦曰向所謂先酌鄉人者以鄉人而在賓客之位故也伯兄雖親不得不爲主道屈矣蓋庸常之敬在兄亦猶敬叔父之常彼斯須之敬在鄉人特以鄉人爲賓亦猶敬弟之疊耳庸敬斯

須告我爲主可以知義之在內矣
析講不能答畢竟認吾笑不透爲戶者抱祖考之木主以立而象神也兩在位故也上句指弟在尸位下句指鄉人在賓位時當庸敬則庸敬時當斯須敬則斯須敬用敬各有所宜皆憑心上做出以此見得義在內也庸敬二句最重○叔父之庸敬于弟比兄之當敬于鄉人之長尤爲分明故孟子復設此難意亦一也○後漢說云因時制宜皆由中出得朱子補此二句意方明白當時孟子甚先說出季子聞之必無疑矣似此則因時二句尚宜渾之

季子聞之曰敬叔父則敬敬弟則敬果在外非由內也公都子曰冬日則飲湯夏日則飲水然則飲食亦在外也

此亦上章耆叟之意○

范氏曰二章問答大指畧同皆反覆警喻以曉當世使明仁義之在內則知人之性善而皆可以爲堯舜矣

參存疑孟季子聞之復執其說曰禮敬叔父時則敬叔父不

出吾所敬在此也敬寔由叔父而立也嘗敬弟時訓敬弟不出吾所長在外也敬寔由弟而立應以其所在因用其敬必果在外非由內出者也公都子所以易見者曉之曰當敬叔父則敬叔父當敬弟則敬弟猶冬日當飲湯則飲湯夏日當飲水則飲水也予以因人之敬爲在外然則因時而飲食者亦在外與吾知叔父與弟外也而敬其飲食之宜者心也湯水外也而敬其飲食之宜者心也湯也義之在內而不在外也明矣

析講蒙引同一敬叔父則敬敬弟則敬也但季子所認則叔父與弟重孟子公都子之說則敬字重敬出于我者也季子之說是謂吾之敬由叔父與弟而生也孟子之說是謂吾之敬施之叔父與弟也○存疑要知季子總是就長上認而遺長之十一節耳

公都章全旨

此章闡發性善之直以性善爲主雖說情說才而總見性之善也上四節公都子述三說而疑性善之非下是孟子論情善以著性善之寔以乃若其情下節爲主重因情以驗性上才字對情字不過然盡性工夫全要在于才上擴充

以善其情之用故孟子以盡其才爲盡性引詩與聖言所以証上文性善情善之說也

公都子曰告子曰性無善無不善也

此亦生之謂性食色性之意近也蘇氏胡氏之說蓋如此參蒙引公都子曰吾觀天下之言性者不二矣在告子則曰人之初生而有性知覺運動只是蟲然而已本無所有善無所有不善謂全不可以善惡名也此一說也

析講此言性之渾淪○語類云無善無不善謂性中無惡則可謂無善則性是何物

或曰性可以爲善可以爲不善是故文武興則民好善幽厲興則民好暴

好夫

此卽湍水之說也

參趙註或曰性可以爲善可以爲不善本無一定體惟所增也是故文武聖化之起則民皆喜爲善可以見性可以爲善幽厲虐政之起則民皆好暴亂可以見性可以爲不善也此又

一說也

析講此言程之無足○兩則字甚活正見爲之兩可處
或曰有性善有性不善是故以堯爲君而有象
以瞽瞍爲父而有舜以紂爲兄之子且以爲君

而有微子啟王子比干

韓子性有二品之說蓋如此按此文則微子比干皆
紂之叔父而書稱微子爲商主元子疑此或有誤字
參蒙引或又曰性有二等從來是善有一等從來是惡所稟
各異非習所能移也是故以聖堯爲之君而有微象不能使
之爲善非有性不善者乎以瞽瞍之頑爲父而有子舜不能
化之爲惡以無道紂爲兄之子且以爲君而有微子啓王子
比干亦不能使之子爲不仁
非有性善者乎此又一說也

析講此言性之有定○三而字是不宜有而有之意

君父兄子弟等俱不虛見情親則易化分尊則易行

今曰性善然則彼皆非與

與耶

合衆出前二說觀之則善惡皆性之所有而偏于智由後二
說觀之則善惡皆性之所有而定于初皆不專言
善也今夫子獨曰性善然則彼二說者皆非與

孟子曰乃若其情則可以爲善矣乃所謂善也

乃若發語離情者性之動也人之情本但可以爲善而不可以爲惡別性之本善可知矣

參蒙引孟子曰吾謂性善豈無所驗哉性蘊乎中而無形發
于外正爲情則易見乃若人之情因性而動自然發見者則
皆可以爲善而不可以爲惡矣卽情之善
而性之本善可知乃吾所據以謂性善也

析講乃若二字從性濫于無形而難言說來則可以爲善矣
此善字說情字所謂善也此善字說性○朱子曰性情如一
个穀種相似穀之生是性發爲萌芽是情也所謂性只是个
仁義禮智四者而已○陳新安曰性渾然全體在中未發無三
形象可見動而爲情方可見耳仁義禮智之性動而爲情隱

等情則情善可見而性善亦可見。此乃若三句包下文側隱之心十六句宜渾淪說。其情其字指性善其情乃初動于性之情也其情之真不可僞處卽性之真不容雜處乃所謂善也歸到性上。爲字已包盡其才之意。冀註情字要主自然發動者言方見其善如是見入井而惻隱是也。

若夫爲不善非才之罪也

夫音扶

才猶材質人之能也人有是性則有是才性既善則才亦善人之爲不善乃物欲陷溺而然非其才之罪也。參蒙引情善而性善宜無不善者矣而亦有爲不善者何哉或者必歸咎于才殊不知才卽性之良能性既善則才亦善若夫人之爲不善乃物欲陷溺而然非才之罪也。

樹講大全朱子曰性之本體理而已情則性之不動而有爲才則性之具而能爲者也性無形象可言故以二者言之誠知下二者之本善卽性之善必矣。二節語脉極緊作一節看。○才足良能非才發之才如見孺子入井而能惻惻隱之事便是才。若夫二字從情善性善跌下此才字孟子指那好底說如仁之能愛其親義之能敬其兄所謂良能是也爲不善。

惻隱之心人皆有之羞惡之心人皆有之恭敬之心人皆有之是非之心人皆有之惻隱之心仁也羞惡之心義也恭敬之心禮也是非之心智也仁義禮智非由外鑠我也我固有之也弗思耳矣故曰求則得之舍則失之或相倍蓰而無算者不能盡其才者也

惡去聲舍十

恭者敬之發於外者也敬者恭之主於中者也鑠以火銷金

之名自外以至內也算數也言四者之心人所固有但人自不思而求之耳所以善惡相去之遠由不思不求而不能擴充以盡其才也前篇言是四者爲仁義禮智之端而此不言端者彼欲真擴而无之此直因

用以著其本體故言有不同耳

參達說然果何以見情善而才亦善耶以情之已發者言之彼惻隱之心心之善者也人皆有之羞惡之心心之善者也人皆有之恭敬之心心之善者也人皆有之是非之心心之善者也人皆有之故曰乃若其情則可以爲善矣使人無是惻隱羞惡恭敬是非之心又安可以言情之善乎即是惻隱之心可以驗其性之有无也即是羞惡之心可以驗其性之有無也曰仁曰義豈有不善乎卽是恭敬之心可以驗其性之有禮也卽是是非之心可以驗其性之有智也曰禮曰智又豈有不善乎故曰乃所謂善也使性非仁義禮智又安可以言性之善乎然此仁義禮智因情始見不因情始有非出外而鑠入于我之內者也恭繼善成性與生俱生我固食之也但人放逸怠惰卽不思而求之耳故曰恩而求則得此仁義禮智之善不思而舍則失此仁義禮智之善惟其舍之而

失故卒歸于惡而與善相失之遠或至倍蓰而無窮者由不思不求不能因善端之發而擴充之以盡其才者也若本然之才初無限量極天下之善無不可爲者故曰若夫爲不善非才之一罪也

析講大全朱子曰性中衆理渙具各各分明故外邊所遇隨感而應所以四端之發各有不同是以孟子析而爲四以示學者便知渾然全體之中而燦然有四若此○惻隱等四个心字是已發出來當情字看皆有正見情善仁也八句是因用以著其體正見乃若節所以因情善而謂性善之意也非曲外鑠句有意蓋因上面情發于外却像在外來的故如此言之言雖由外而見寔非由外而得者也仁義禮智非由外鑠三句雖是性善中事起以起下不能盡其才意思以心言求以用力言思則必求矣不能盡其才正是不思不求盡字宜玩本然之才凡善皆所能爲如盡惻隱之才卽可至于欲達達人欲五立人盡羞惡之才即可至于一介不取立于驕弗視施以天下弗顧推之恭敬等皆然今乃不能爲善是二有才而不能盡其才之量耳○人皆有之四貢由一言情善仁也四項申言性善仁義禮智至節末申言才善然亦宜渾淪

說○存疑上文非才之罪解勿欲陷溺弗思弗求裏何處見物欲陷溺但日弗思弗采便是陷溺于物欲而失之者若未失不消言思求看來說弗思上當補陷溺于物欲意

詩曰天生蒸民有物有則民之秉夷好是懿德孔子白爲此詩者其知道乎故有物必有則民之秉夷也故好是懿德

好去聲

詩大雅蒸民之篇蒸詩作烝衆也物事也則淫也夷詩作彝常也懿美也有物必有法如有耳目則有聰明之德有父子則有慈孝之心是民所秉執之常性也故人之情無不好此懿德者以此觀之則人性之善可見而公都子所問之三說皆不疑而自明矣○程子曰性卽理也理則堯舜至於塗人一也才稟於氣氣有清濁稟其清者爲賢稟其濁者爲愚學而知之則氣無清濁皆可至於善而復性之本湯武身之是也孔子所言下愚不移者則自暴自棄之人也又曰論性不論氣不備論氣不論性不明一二之則不是張子曰形而後有

氣質之性善反之則天地之性存焉故氣質之性君子有弗性者焉愚按程子此說才字與孟子本文一小異蓋孟子專指其發於性者言之故以爲才無不善程子專指其稟於氣者言之則人之才固有昏明強弱之不同矣張子所謂氣質之性是也二說雖殊各有有所當然以事理考之程子爲密蓋氣質所稟雖有不善而不害性之本善性雖本善而不可以無省察矯探之功學者所當深玩也

參達說然驗性于情而謂性之本善者此非我之私言也蓋嘗徵諸詩與孔子之言矣詩曰天生衆民有形氣之物有天理之則此乃民所秉執之常性無不好是懿美之德者夫物之與則幾已判于槁樞秉夷好德心已分于寂感而詩顧合而言之者是必有深義于其間矣孔子讀其詩而契其旨也乃聳之曰性情之道未易知也爲此詩者其知性情之道旁故天之生人與之氣以成形而有物焉則必與之理以成性而有則未有物而則不具者矣物則相因乃理之必然者在天爲定命而生人得之則爲秉執之常性也惟其爲民之秉夷也存之于心爲繼善之良故發之于情自好此懿美之德蓋合聖恩而同然矣使非同此秉夷之性何以同此懿德之

好乎爲此詩者信乎其知道也夫知物則爲人所必有則性善可知矣知好德爲人所同然則情善可徵矣其有不好是自喪其秉夷之良心者也豈才之罪哉卽此

可見人性之善而不必惑于三說之紛紛矣

析講此節引詩曰孔子白非泛然援引正與告子白或曰做個對証上是因情善以驗性善此則謂性惟善故情亦善也○物以形言則以形中之理言不曰理而曰則天理當然有二一定之則一也曰則曰夷總是性善別名而無別理也好是情能好是才總之一性而已矣○懿德卽性情之見于行事而有得于心者孟子贊詩加故字一必字而性情相因之旨悉出有物有則如視聽有視聽之則如是而視聽便是不如是而視聽便不是如視遠惟明能視遠謂之明不能則不謂之明聽德惟聽能聽德謂之聽不能則不謂之聽視聽是物明聽是則餘可類推謂夷而何以言秉蓋渾然一理具于吾心不可移易若秉執然也好懿德與禮義悅心于類

富歲章全旨

此章總發明性善之同同字重看其同處全在首尾二節兩個心字上首節陷溺之心原非同然之

心末節同然之心原非陷溺之心未有心同而性不同者首

富歲章全旨此章總發明性善之同同字重看其同處全在首尾二節兩個心字上首節陷溺之心原非同然之心末節同然之心原非陷溺之心未有心同而性不同者首

孟子曰富歲子弟多賴凶歲子弟多暴非天之降才爾殊也其所以陷溺其心者然也

富歲豐年也賴藉也豐年衣食饒足故有所賴藉以決心之同正伸同類意通章以心字爲主才字不在心外反覆發透非天之降才爾殊也一句以爲世之多暴者醜也下面同類同嗜同聽同美同然皆自非殊字生出○新安陳因曰此章大意以入心理義之同而見人性之皆善也

富歲是綱次節卽物之同以決人之同故龍子五節由體之同而爲善凶年衣食不足故有以陷溺其心而爲暴而存疑孟子曰我觀富歲子弟雖未必盡能爲善然多有所賴藉而爲善凶歲子弟雖未必盡至爲惡然多至于暴棄而爲不善非天付富歲子弟以爲善之才不下付凶歲子弟以才而降才爾殊也蓋由凶年衣食不足迫于飢寒禮義不暇顧而陷溺其本心者故至于多暴然也若論其性則皆善而才無不同析講多賴多暴須抑揚說重多暴一邊降才非殊本說性而

以性之良能說者切爲善爲不善兩爲字意也心包性才心溺則性失故不能盡其才而至于爲暴耳○言人性之同不同

自性而曰才曰心者性具于心而發爲才才無不同則心無不同心無不同則性無不同可知非夫句重看下句正見之以心爲主其心卽下理義之心也○存疑陷溺之心卽是下面同然之心人心同然平理義子弟多暴則不同然乎理義矣蓋由其心之陷溺也故下文詳說入心同然理義以明此意○頗字只作善字說然字是指爲暴多暴

處且勿說出衣食不足留在陷溺其心內用

今夫麺麥播種而耰之其地同樹之時又同淳然而生至於日至之時皆熟矣雖有不同則地有肥磽兩露之養人事之不齊也

夫音扶麺音牟耰音憂磽苦交反

麺大麥也耰覆種也日至之時謂當成熟之期也磽瘠薄也

參蒙引試以物性觀之今夫麺麥播種而又耰之其地同樹有肥磽之分兩露有厚薄之異人事有勤惰之不齊也在麺麥豈有不同哉

析講蒙引總見同類相似之意不必依新安陳氏以此譬降子于同而養其心與陷溺其心有不同也觀文接云故凡同类者舉相似也可見蓋所謂養其心陷溺其心不同意皆在言外通一章看可見蓋聖人與我同類而人心皆同然乎理義如此然則其所以不同者非以陷溺其心乎○今夫麺麥至熟矣言麺麥之性相似雖有不同以下言其不同正所以發明同字意也其地同言均是種麥之地也若說地利同便乎氣候到該熟之時猶言時日到爾

故凡同類者舉相似也何獨至於人而疑之聖人與我同類者

聖人亦人耳其性之善無不同也

叅序卽麌麥之同者觀之故凡物之同類者其性舉相似也何獨至于人而疑其彼此有不相似乎雖聖人爲人之至亦不過均得天地之氣以成形而與

我亦同類者其性之善無不同也

析講同類以物之形言相似以物之性言與我同類句雖主形體說須補出性善之同意伏下同然理義講○蒙引今夫麌麥至此是卽物類之同以見人類之同故龍子至末是節二人身之所同以見人心之所同○故凡同類須放開說不止變麥同類固指性言然安渾舍說方不碍聖人先得句地步

故龍子曰不知足而爲屨我知其不爲貲也屨之相似天下之足同也

匱音

貴草器也不知人足之大小而爲之屨

雖未必適中然必似足形不至成貴也

叅序惟人類之同故龍子嘗有言日業屨者不知人足之大

口之於味有同者也易牙先得我口之所著者也如使口之於味也其性與人殊若犬馬之與我不同類也則天下何者皆從易牙之於味也至於味天下期於易牙是天下之口相似也

晉同下同

易牙古之知味者言易牙所謂之味則天下皆以爲美也叅序然所同者寧獨足哉凡人口之于味也有同者也雖易牙極善于調味不過于同嗜之中知其滋味之正而先得我口之所著者也要其所著未嘗與人殊也如使易牙口之于味

也其嗜好之性與人殊。若大馬之與我本不同類也。則易牙之所調之味，宜易牙嗜之而未必人人嗜之矣。天下之人何其所嗜，皆從易牙之所嗜也。至于子云，天下皆期必于易牙之所調，而群以爲美。是天下之口舉相似也。

柳講 大全陳氏曰：易牙齊桓公臣能辨淄澠二水味，此先得我口之所嗜，已爲下文先得我心之所同然者張本矣。達說如使易牙之口之于味也，則天下某性期字與我我字較有著落。○如使口之于味也，四句是反言以見其同，宜三一氣讀下。

惟耳亦然。至於聲，天下期於師曠，是天下之耳相似也。

師曠能審音者也。言師曠所知之音，則天下皆以爲美也。

劉序 豈獨口哉？惟耳亦然。至于擊其清濁，天下之人皆期必于師曠之所和，則以爲美而樂聞之。是天下之耳舉相似也。

惟目亦然。至於子都，天下莫不知其姣也。不知子都之姣者，無目者也。

姣古一
犯反

子都古之美人也。姣好也。

叢序 又豈獨耳哉？惟目亦然。至于子都，美男子也。天下之人莫不知其色之姣好也。若不知子都之姣好，必其無目者也。是天下之有目者舉相似也。

析講子都即鄭大夫公孫闡也。有寵于莊公後見愛。○此三節總是一借形體之所悅者形容出心之所欲者，而見其相同也。故曰：口之於味也，有同；耳之於聲也，有同；聽焉目之於色也，有同；美焉至於心獨無所同，然乎心之所同，然者何也？謂理也。義也。聖人先

得我心之所同，然耳。故理義之悅我心，猶芻豢之悅我口。

然猶可也。草食曰芻，牛羊是也。穀食曰豢，豕豕是也。程子曰：在物爲理，處物爲義。體用之謂也。孟子言：人，心無不悅。理義者，但聖人則先知先覺乎？此耳非有以異於人也。程子又曰：理義之悅我心，猶芻豢之悅我口。此語親切，有味。

須實體察，得理義之悅心，真猶芻豢之悅口，始得上。

衆達說：惟其舉相似，如此故曰：凡口之于色也，目之于味也，人有同美焉。一凡耳之于聲也，人有同聽焉。凡口之于味也，人有同嗜焉。身衆體無有不同。如此至干心爲一身之宰，神明之用獨無所同？以爲然者乎？吾知人心必有所同，然者矣。心之所同，然者何也？謂吾心所固有而卽物而有之理也。謂吾心所固有而處物咸宜之義也。理卽心之體，義卽心之用。未有入心而無是理。義則未有不以理義爲然者矣。聖人之心，此理義吾心亦此理義。但聖人不過先知先覺，平理義而先得我心之所同。然者耳。豈有異于人哉？是有人卽有此心，有此心卽

有此理義。我之所行，誠合乎理義，則返之于心，未有不泰然自慊者。故理義之悅我心，知之而必好，好之而必樂也。猶芻豢之悅我口，求之而必嗜，嗜之而必飽也。若于同然中而有不然，則是陷溺其心，如凶歲之子弟矣。豈天降才之殊哉？
析講然，是然否之然然字，與悅字雖無甚異，而悅字意較深。一物各具一理，如父子有親，君臣有義之類，是已處物合宜爲義。如處父子，則以親處君臣，則以義之類是已。聖人先得以下，須發明同然二字，以應聖人與我同類句。先得重我與聖人同意末二句，正見人心同然乎？理義之寔此聖凡所同也。○大全朱子曰：理是此物上便，有此理義，是于此物上自家處置，合宜如此。○語類問：理義悅心，顏子欲罷不能，可是此意否？曰：顏子固是如此，然孟子所說，正是爲衆人說，當就人心同處看，看得細了，却無愛用。存疑悅心，須作悅自家的方于多賴，多暴，意相貼，若說作人的，又隔了一重了。志士仁人殺身成仁，舍生取義，不是理義悅心，怎能做得此事？○先得對，陷溺看，人惟陷溺其心，故失其心之所同。然聖人惟氣稟清明，物欲悉屏，故能于理義之所在，生知安行，而察之，無不精。由之無不盡也。○理義二字都該在自己心上說，理義

卽懿德人心同然乎理義卽好是懿德也不可因在物字把理字說在外邊去芻叢是借字猶言美朱也未二十句言其悅之至深正以其同然故耳同以理義爲悅正見降才之善無殊耳

牛山章全首

通章全爲放其良心者而發首節次節卽山木以

著人心失養之害三節結言得失係于養不養末

引言人心之難養以見其當養也○大全饒氏曰緊要在三個存字首節存乎人者是說此心本來存好說夜氣不足以存是說衆人不能存此心終說操則存是致人用力以存此心

孟子曰牛山之木嘗美矣以其郊於大國也斧斤伐之可以爲美乎是其日夜之所息雨露之所潤非無萌蘖之生焉牛羊又從而牧之是以若彼濯濯也人見其濯濯也以爲未嘗有材焉此豈山之性也哉

蘖五
割反

牛山齊之東南山也邑外謂之郊言牛山之木前此固嘗美矣今爲大國之郊伐之者衆故失其美耳息生長也日夜之所息謂氣化流行未嘗間斷故日夜之間凡物皆有所生長也萌芽也蘖芽之旁出者也濯濯光潔之貌材材木也言山木雖伐猶有萌蘖而牛羊又從而害之是以至於光潔而無草木也

參序孟子示人以心當養也曰凡人初之所全貴乎後之能保試以山木言之卽如齊之牛山其前此之木固嘗美矣以其所生不足以當所伐尚可以爲美乎是其日夜氣化之所滋息加以雨露之所潤澤非無萌蘖之復生焉使于此而培植之猶可以復其美也奈牛羊又從而牧放之生之未幾戕之者至是以萌蘖俱盡若彼濯濯也人徒見其濯濯也今日牛山之木嘗美也以爲前此未嘗有材焉不知山以生物爲性而材木不生此豈山之本性也哉

析講陳新安日此節全是以起以譬喻下節○牛山之木嘗

美矣與以爲未嘗有材焉此豈山之性也哉首尾緊相呴應下節雖存乎人者豈無仁義之心哉與而以爲未嘗有才焉者是豈人之情也哉首尾緊相呴應○以山木例人心有兩層意未伐而保之與已伐而復之俱是重下一層蓋前重萌蘖後重幾希前重牛羊牧之後重猶之反復相形相照又重幾希所以牿亡上○通節大意言山之不嘗美而所以失其美者始病于斧斤之伐繼病于牛羊之牧此山無木之故也而非山之性也玩之嘗字全從不美之後而追論有美之由則伐之者易國大則伐之者多有此二意

雖存乎人者豈無仁義之心哉其所以放其良心者亦猶斧斤之於木也且且而伐之可以爲美乎其日夜之所息平且之氣其好惡與人相近也者幾希則其且晝之所爲有牿亡之矣牿反之反覆則其夜氣不足以存夜氣不足以存則其違禽獸不遠矣人見其禽獸也而以爲未嘗有才焉者是豈人之情也哉

去聲

良心者本然之善心卽所謂仁義之心也平且之氣謂未與物接之時清明之氣也好惡與人相近言得人心之所同然也幾希不多也牿械也反覆展轉也言人之良心雖已放失然其日夜之間亦必有所生長故平且未與物接其氣清明之際良心猶必有發見者但其發見至微而且晝之所爲之不善又已隨而牿亡之如山木旣伐猶有萌蘖而牛羊又牧焉也晝之所爲旣有以害其夜之所息又不能勝其晝之所爲是以展轉相害至於夜氣之生日以寢薄而不足以存其仁義之良心則平且之氣亦不能清而所好惡遂與人遠矣

參大全不特山木有是美也雖存乎人者其始豈無仁義之良心哉其所以放失其良心者物欲爲之撕喪戕敗所餘無

幾亦猶斧斤之于木也。且且而伐之，尚可以爲美乎？而天之所生，與我者始有，所汨沒也。然良心雖放，而未始終絕也。其日間紛擾之後，到得夜間，事物既退，心地虛靜，天良亦必有所生息。至于平旦，而清明之氣未爲利欲所昏。此時良心發見，善念萌生，其好善惡惡，大率與人公是。公非之心相近，特其萌于既放之後，止于幾希之微而已。此正吾心之萌蘖也。于此而善保之，則由微而著，而良心可復全。奈何且晝之所爲，皆不仁不義之事？將幾希之善端，隨桎梏而亡失之矣。亦猶萌蘖之牧于牛羊也。今日牿之，明日又牿之，反覆循環而不已，則其氣至濁，至昏，雖積夜以至平旦，亦不足以存養。其良心，夜氣不足以存養，其良心，則雖有人之形而奸惡不與人近。其寔去禽獸不遠矣。人見其禽獸，如此也。而以爲天質不美，未嘗有能爲善之才焉者，不知才本于性，而性發爲情。人之情本善，人之才本能爲善，其不能爲善者，耳晝牿亡之故也。是豈人性之發，而爲情者本然無善也哉？

柳講

大全朱子

曰：此段首尾只爲良心，設牿亡之人，非謂牿亡。

引子

夜氣也。謂牿亡其良心也。○趙氏曰：仁義性也。而孟子

以心言者，心統乎性也。良心卽仁義之心，卽所謂性也。○蒙

引且且，卽且晝也。與且晝，且字同，與且氣，且字異。○且晝終有別。且早間晝通日言。○其日夜之所息，與上節不同。上言，日夜氣化無間來，生息山木。此只重夜字，由日而夜動者俱向，于靜由夜而平旦。靜者方，向于動，故其氣清明。良心自然發見，非說氣化來息。良心也，良心理也，乃言平旦之氣者，蓋理氣不相離。氣清則理發見，如清水貯寶珠，珠光自現。其存其亡，皆以心言，非謂氣有存亡而當致養。干氣也，觀下引子言，以明中心之端操，則意自明矣。○日至夜，是說往晝物欲既退，平旦是說來晝物欲未接。○仁義是性，好惡是情。能好惡，是才好惡，與人相近。情之發得其正，也緣乎且未與物接，未泊于欲。故如此幾希云者，因復于既放之後，微而又微也。牿亡，反覆只是旋生旋牿，而小自己。○通節大意言，良心人所必有，而亦有不存者。始放于物欲之害，繼盡于日晝之牿。此人無才之故也，而非人之情也。雖字從止，木跡下，玩豈無二字，是由既失之後追論，未失之先，口吻蓋旣失之後，似乎無良心者，不知其初固有良心也。○牿亡云者言，良心爲物欲錮閉，不能發見也。○宋子曰：牿如被禁械在那裡，更不容他轉動。○如將自家物失去了，○折衷云：夜氣云者，由夜來心靜。

而氣清名之也到乎。且味與物接這一段，清氣猶在，故又曰平旦之氣非有一也。夜氣不足以存，都是且晝所爲壞了。譬如一井水，終日攬動，便渾了。至夜稍靜，便有清水出。所謂不足以存者，如攬動得太甚，則雖有止息時，此水亦不能清矣。○人見字有味，曰人見者自己不見，故不知覺也。○陳新安曰：此所謂才與情與前章乃若其情天之降才意同皆發于性者也。○彙解：夜氣如何，在良心蓋理不離氣，夜間無物，欲之擾其氣清明而良心因以發見，便是夜氣足以存，良心若梏之反覆其氣極，其昏濁井夜間亦不能清明而良心無從發見，便是夜氣不足以存。氣字屬人，非指天地之氣也。

故苟得其養無物不長，苟失其養無物不消。長上聲

山木人心其理一也

合衆由此觀之，山木之生意不息，人心之生理無窮，顧養之何如耳？故苟于幾希之心，而善養之，培夜氣之清明，防且晝之牿亡。如山木之萌蘖，不便其牧于牛羊也，則山木固日以滋生矣。而吾心仁義之良將有復其初者，何物之不長也？苟于幾希之心，而不養之，且晝爲之交攻，牿亡爲之相繼，如山

木之萌蘖而復牧于牛羊也，則山木固終干瘠滯矣。而吾心仁義之良將無復有存者，何物之不消也？養之得失，異而物之消長殊然，則人心可頃刻失其養乎？

析講大全朱子曰：此四句緊要，得養卽長，緣此心本不是外面取來，乃是與生俱生的。下節又說存養之要。○新安陳氏曰：所以養其心者，不外下文之操存而已。詞俱平說，山木人心之意，只重天心，此緒上二段，以起下文所引孔子語之意。○養字兼未失而保之，既失而復之尤重，既失一層，意物字所包者廣，山木人心在內，只虛說爲妙。

孔子曰：操則存，舍則亡。出入無時，莫知其鄉。惟心之謂。與舍音捨

孔子言：心操之則在此，捨之則失去。其出入無定期，亦無定期處。如此孟子引之，以明心之神明不測，得失之易，而保守之難。不可一頃刻失其養。學者當無時而不用其力，使神清氣定，當如平旦之時，則此心常存無適，而非仁義矣。程子曰：心豈有出入，亦以操舍而言耳。操之之道，敬以直內而已。○愚聞

之師曰人理義之心未嘗無惟持守之節在爾若於旦晝之間不至楷亡則夜氣愈清夜氣清則平且未與物接之時湛然虛明氣象自可見矣孟子發此夜氣之說於學者極有力宜熟玩而深省之也

叅存疑孔子嘗有言曰有物于此操之則存在舍之便仁失之存入也亡出也只係于操舍無有一定時候入在外出在外只係于操舍無有一定處鄉其惟心之謂與由孔子之言觀之可見心之當操而不可舍也如此人若能常操之而不放則良心常存夜之所息益有所養夜之養愈深則旦晝之所爲無非良心之發見矣

新講太全朱子曰亡不是無只是逐物去了見得不操則舍不出則入無開處可以安頓○孟子大意只在操則存舍則亡兩句上心一放時便是斧斤之伐牛羊之牧收斂在此便是日夜之息雨露之潤他是要人于旦晝時不爲事物所汨人心能操則常存豈特夜半平旦○程伊川曰孟子此四句只是狀人之心是個難把握捉的物事此大約泛言人心如此非指已放者而言亦不必于此論心之本體也引此以明心之不可不養以結之章之首○語類求放心不下是別有

一物在外旅去收拾回來只是此心須要省察纔覺不在便收之耳○操則存四句空說至末句方可露出心字出入三句相承說勿以無定期無定向對說操字亦非把持只是提醒得力○操舍只以理欲言心在理上便存心在欲上便亡出入二句只就操舍上見得○上節說養此一節一操字正養之之法所謂常惺惺者是也

無或章全旨

此章爲齊主用賢不專而發反覆譬喻不過言其

不專末節是節學矣之不專而卒無成功者以比例之也意寔相貫○前節原王不智由于仕賢之不專重吾見亦罕句後節譬任賢不專必不能成其智重不專心致志二句

孟子曰無或乎王之不智也

或與惑同疑怪也王疑指齊王

叅序孟子曰君德莫貴于實令

無或乎齊主之不能成其智也

析講無或乎言其有故而然合乎二節意在內

雖有天下易生之物也，一日暴之，十日寒之，未

有能生者也。吾見亦罕矣。吾退而寒之者至矣。

吾如有萌焉何哉？

易去聲暴步
ト反見音現

暴溫之也我見王之時少猶一日暴之也我退則諂諛雜進
之日多是十日寒之也雖有萌蘖之生我亦安能如之何哉
袞序蓋君心惟在所養何如耳與君子居養之以善則智與二
小人居蔽之以惡則愚譬有物于此雖極天下之易生也若
但一日暴之以陽氣爲之發舒乃十日寒之以陰氣爲之閉
塞則暴之所生不勝寒之所剝亦未有能遂其生者也而况
于王心乎今吾進而見王之時少矣仁義之言無幾是
暴之已耳吾方退而群邪雜進以相與寒之者至矣蓋不勞
十日寒之矣雖吾見王之時王之善心亦暫有萌生而衆寒
交攻猝亡反覆吾其如之何哉尚安能使其智德之成也
析講此節智字是明達事理洞晰政務屬作用邊與末節智
字在資稟說者稍異○有萌生于一暴無如何生于十寒

今夫弈之爲數，小數也不專心致志，則不得也。
弈秋，通國之善弈者也。使弈秋誨二人弈，其一人專心致志，惟弈秋爲聽；一人雖聽之一心以爲有鶻鵠將至，思援弓繳而射之，雖與之俱學，弗若之矣。爲是其智弗若與？曰：非然也。

夫音扶繳
音灼射食

亦反爲是之爲去聲若與之與平聲
奕，圍棋也。數技也。致極也。弈秋，善弈者名。秋也。繳，以繩繫矢而射也。○程子爲講官，言於上曰：人主一日之間接賢士大夫之時，多親宦官宮妾之時，少則可以涵養氣質，而熏陶德性。時不能用識者恨之。范氏曰：人君之心，惟在所養。君子養之以善，則智；小人養之以惡，則愚。然賢人易謙，小人易親。是以寡不能勝衆，正不能勝邪？自古國家治日常少，而亂日常多。蓋以此也。

卷之六
公序然吾見之罕非吾之不欲見也寒之者日至果何由而至也是其故仍在王矣其譬諸學奕者乎今夫奕之爲數特末技耳小數也苟學之者不專一其心以極致其志之所向則不可得精也如奕秋通國中所稱善奕者也設使奕秋誨二人以奕其教同也其一人則專心致志惟奕秋之誨爲聽而毫不旁馳其一人雖同聽之乃一心以爲有鴻鵠將至思爲之援弓繳而射之是其聽在奕秋而其心在鴻鵠也雖與彼一人俱學乎奕皆知其不若彼之精矣爲是其生稟之智敏鈍不同而弗若之與曰井然也聰明原遠而鴻鵠日馳心弗若其專志弗若其致也夫王之心有鴻鵠也

吾其如有萌焉何哉無或乎王之不智也

析講二節雖一意而有兩層前節是言見賢之時少下節是言王見賢之心不專○心以體言志以心之所用言純用之于一事便是專致○上節竟見吾退吾知有萌三句通章正二繁餘俱喻說而三吾字尤要着眼孟子以奕秋自居奈

王之不聽其誨何也但通章語意俱以婉醒旁擊爲妙

魚我章全旨

通章示人當存其羞惡之良心以義字作主未句一本心爲羞惡之心配是義之端也前五節反覆推

勘此心而明其皆有下三節標其本有而既失之也總註此章言羞惡之心二句是釋前五節之意或能失生死于危道之際二句是釋後三節之意是以君子句則總說通章立言大旨也須看得分明

孟子曰魚我所欲也熊掌亦我所欲也二者不可得兼舍魚而取熊掌者也生亦我所欲也義亦我所欲也二者不可得兼舍生而取義者也

舍上聲

魚與熊掌皆美味而熊掌尤美也

參淺說孟子醒人之本心曰魚我所欲也熊掌亦我所欲也設使勢有所限得魚則失熊掌得熊掌則失魚二者不可得兼則寧舍魚而取熊掌者也豈惟美味爲然哉生亦我所欲全義亦我所欲也設使勢遭其窮全生則害義全義則害生二者不可得兼則寧舍生而取義者也

柳講首二節重義字○魚我所欲半節引起下半節不得

兼就遇變處難言。舍生取義所包甚廣，不專在君父之難。上說如文不受喙跡，亦是舍生取義。此勿說透下節方釋言之。

生亦我所欲，所欲有甚於生者，故不爲苟得也。死亦我所惡，所惡有甚於死者，故患有所不辟也。

惡辟皆去

聲下同。釋所以舍生取義之意，得生也欲生，惡死者雖衆人利害之常情，而欲惡有甚於生死者，乃秉彝義理之良心。

心是以欲生而不爲苟得，惡死而有所不避也。

於序其所以舍生取義者何哉？生亦我所欲而本然之良心覺義之可欲，尤有甚於生者，故吾不爲苟且以得生也。不生或

則必死矣，死亦我所惡而本然之良心覺不義之可

惡，尤有甚於死者，故當患難而有所不辟以幸免也。

析講此節令下二節總由舍生取義推其有欲惡甚於生死

之心，意反覆總推勘出人必有秉彝義理之良心耳。其論

秉彝義理處必因生死推出者，蓋生死人所極重，日敵理，義不遇則良心人所固有，彰彰矣。欲惡甚於生死者，所謂心之同然者，義理也。蓋指本然欲惡說，故後曰本心說，本虛齋

○上說舍生卽爲死言說，所欲便見所惡，故此節兩釋之。註秉彝良心，本說得全，文註專說著惡之良心者，蓋于舍生取義爲力也。其寔一也。○此正指出人所以舍生取義之

心來。○指南兩甚字，雖指義不義說，本文却不道破，正要人在此不道破中認出貞心來，須還他不說破語。秉彝之良

心，心字至下文非獨賢者句，方露出此

節及下二節皆宜下虛舍良心說爲是。

如使人之所欲莫甚於生，則凡可以得生者何不用也？使人之所惡莫甚於死者，則凡可辟患者何不爲也？

設使人無秉彝之良心而但有利害之私情則凡可以偷生免死者皆將不顧禮義而爲之矣。

參序如使人之所欲莫有甚于生而不知有義之可欲則凡可以得生者將何不用也又豈肯爲義而舍生哉使人之所惡莫有甚于死而不知不義之可惡則凡可以辟患者將何不爲也又豈肯爲義而就死哉

析講此下兩節卽次節之義而反覆言之全在何不由是四字上轉換見意總要透出人必有秉彝之良心只照試意兩節相連看爲妙不作一反一下正看蓋上節是談言之詞乃文章頓挫抑揚處何不用言三味去偷生何不爲言三意去求免死此反言以決其必有秉彝之良心故下遂以由

是二字承之註中設使人無由其必有一句最緊妙

由是則生而有不用也由是則可以辟患而有不爲也

由其必有秉彝之良心是以能舍生取義如此
然序惟其必有好義惡不義之良心由是所欲有甚于生則生而有不用苟全也由是所惡有甚于死則可以辟患而有不爲苟免也

是故所欲有甚於生者所惡有甚於死者非獨賢者有是心也人皆有之賢者能勿喪耳

喪去聲

羞惡之心人皆有之但衆人汨於利欲而忘之惟賢者能存之而不喪耳

參序是故所欲有甚于生者所惡有甚于死者此所謂羞惡之心義也非獨賢義之賢者方有是心也人人皆有之但人狃于利欲每自喪焉而賢者則不爲利欲所誘勿自喪耳析講是故二字承上來見欲惡甚于生死之心人所必有者乃人所皆有也只重人皆有句賢者勿喪帶言○麟土曰能勿喪與前章聖人先得句一般只是要見其同處不是要見其異處○自首節至此俱是說此心人所同有但此心易見人于卒然之感易昏于晏安之際故下文又把一人而得失異致者兩相對較總發明人皆有之二句之意說本虛齋

劉子五日是心卽本心心字至此節方見至末節相應收

一簞食一豆羹得之則生弗得則死嗟爾而與之行道之人弗受蹴爾而與之乞人不屑

也

食言嗣嘯呼故

反蹴子六反

豆木器也嗟咄咤之貌行道之人路中凡人也蹴踖踏也乞人丐乞之人也不屑不以爲潔也言雖欲食之急而猶惡無禮有寧死而不食者是其羞惡之本

心欲惡有甚於生死者人皆有之也

邾太宰何以驗人皆有是心哉如竹簞之一食一木豆之羹雖物之至輕也然當飢渴之際得而食之則生不得而食之則死生死所係利害之至急切者也宜乎不顧義之可否而求得之矣然使于此博爾而與之卽行道之常人亦弗肯受又甚至蹴爾而與之卽乞人之至微賤有所弗屑也蓋猶惡其嘑咤之無禮寧舍之而弗食况非行道之人與乞人乎則羞惡之良心所欲惡有甚于生

死者苟見人無不有是心也

析謂此節又卽是心之所感而激發處以夾人之皆有不受不不屑之心不可揜定行人乞人說只是以得失之微當生死危迫之際雖行乞且激于義而不苟受若非行乞者平正借以驗人皆有之心耳與言人皆有不忍

而以乍見孺子入井一事明之

萬鍾則不辨禮義而受之萬鍾於我何加焉爲

宮室之美妻妾之奉所識窮乏者得我與

爲去聲與平聲

萬鍾於我何加言於我身無所增益也所識窮乏者得我謂所知識之窮乏者感我之惠也言人皆有羞惡之心此言衆人所以喪之由此二者蓋理義之心雖曰固有而物欲之蔽亦入而易昏也

彖存疑簞食豆羹生死所係是于我有益者而猶惡無禮雖死弗受至于一旦萬鍾在前則不辨禮義之可否而貪昧受之夫萬鍾之得失非如簞食豆羹之關係于生死其于我身何所加益焉乃不辨禮義而受之豈爲下是宮室之廣美妻妾之供奉施與所識窮乏之人使得我之惠而感我焉此非得萬

鍾不可而逐貪昧以受之與是則可怪也已

折講此節與上節相連看註意自明上節雖云行人乞人寔以例衆人則士君子之真心亦該得了故此節遂說到萬鍾上去而未節鄉爲今爲云云亦俱作一人說也○存疑萬鍾夫則不辨禮義而受招行道弗受乞人弗屑說於我何加焉格得之則生弗得則死說爲官室之美三句是說喪其良心固不止于此三者既曰于我何加却乃爲此三者以見無謂故下文有是亦不可已乎之論○陳新安曰人之喪其良心固不止于

爲此三者姑舉三者他可類推○上文只言義此如入禮字蓋合于義者自合于禮二字不平

鄉爲身死而不受今爲官室之美爲之鄉爲身死而不受今爲所識窮乏者得我而爲之是亦不可以已平此之謂失其本心○鄉爲並夫聲爲一

言三者身外之物其得失比生死爲甚輕鄉爲身死猶不肯受嗟蹴之食今乃爲此三者而受無禮義之萬鍾是豈不可以上止乎本心謂羞惡之心○此章言羞惡之心人所固有或能決死生於危追之際而不免許豐約於宴安

之時是以君子不可頃刻而不省察於斯焉

存疑夫一人也一心也鄉爲身死而嗟蹴之簞豆必不受今爲宮室之美受無禮義之萬鍾亦爲之鄉爲身死而嗟蹴之簞豆必不受今爲妻妾之奉受無禮義之萬鍾亦爲之鄉爲身死而嗟蹴之簞豆必不受今爲所識窮乏者得我而受無禮義之萬鍾亦爲之夫簞豆生死所係是不可已者三者無關生死是可已者不可已者既已之可已者獨不可已乎不可而已此其本心之所在也可已而不已此之謂失其本心也夫本心失而可爲人乎人可惕然思矣

折講三不受爲之是舉上兩條來平稱以激發人○太全陳氏曰失其本心與前所謂賢者能勿喪耳正相反賢者惟克去私欲故能勿喪其良心衆人惟汨于私欲故至于失其本心也○綱闡編論語以富貴貧賤判取舍之大分此章以生死判取舍之大分兩處俱從人之所欲人之所惡中分別出

天理人欲最明切○

蔡氏曰身死二字

是提醒人此之謂二字是悲嘆口氣

人心章全旨

此章總見仁義之心人所當存而不可自棄也首

未節示人當盡學問之道以求放心也求放心一字爲通章，
丰腦仁義總是性之理而統于一心能求放心則不違于仁而
義在其中矣黃勉齋曰章內四

个心字脉絡聯貫皆是指仁而言

孟子曰仁人心也義人路也

仁者心之德程子所謂心如穀種仁則其生之性是也然但謂之仁則人不知其切於已故反而名之曰人心則可以見其爲此身酬酢萬變之主而不可須臾失矣義者行事之宜

謂之人路則可以見其爲出入往來必由之道而不可須臾舍矣

叅淺說孟子曰立人之道曰仁與義仁非他是卽人之心也蓋其統括四端萬善流通千方十之間惺惺不昧生生不息所以醇醇萬變而不至于墮然無用者仁爲之也仁之切

人何如哉義非他是卽人之路也蓋其權衡是非可否發見于行事之際其平如砥其直如矢可以爲衆人所共由而使之不陷于邪曲者義爲之也義之切于人何如哉析講兩人字要見仁義切于人身意仁卽个心明主宰之心義卽此心應事處處合宜爲人往來出入之路二句總見人心甚切于人就見心不可放了○事之宜在外而所以行事而酌其宜者在乎心于此見得仁字自包得義故下文求放心但言仁而不及義也○太全朱子曰仁是無形的物事孟子恐入難理會便說道只人心便是不是把仁來形容人心乃是把人心來指示人以仁也○存疑心切于己人皆知之名石日人心欲入知其切于己也以心所具之理而言則仁卽仁心卽心以心之所以爲心者言則心卽仁仁卽心故謂仁爲心之理亦可謂仁爲人心亦可○真西山曰仁者心之德孟子直以爲人心者蓋有此心卽有此仁心而不仁卽非人矣孔門言仁多矣皆指其用功處而言此則徑舉全體使人知中心卽仁仁卽心而不可以一視之也○詩類路字非警喻恐人難曉故謂此爲人之路在所必行確

舍其路而弗由放其心而不知求哀哉

舍上聲

哀哉二字最宜詳味令人惕然有深省處

今參夫仁爲人之心則人當操存而不放義爲人路則人當率由而不舍胡世之人冥行徑趨舍置其大路而不由猶欲忘理放失其本心而不知求則失其所以爲人之理而不可以謂之人矣不亦可哀之甚哉

析講兩其字卽是上文兩人字重看

人有雞犬放則知求之有放心而不知求

程子曰心至重雞犬至輕雞犬放則知求之心放則不知求豈愛其至輕而忘其至重哉弗思而已矣愚謂上兼言仁義而此下專論求放心者能求放心則不違於仁而義在其中矣

劄序今人若有雞犬放則皆知求之至于心爲身之生有所放失而不知求之豈愛其雞犬之至輕而忘其心之至重哉弗思甚也

劄

謂

甘

棄

而

不

由

爲

舍

令

其

出

而

不

歸

爲

故

此

放

字

是

無

學問之道無他求其放心而已矣

形之放蓋天理是人心之本體離了本體便是放存得此心便是仁若是此心放了又更理會甚仁故下言求放心即是說求仁也○放全由于不知求之寔際故特揭出以曉人○輔慶源曰心存則無適非天理之流行而應事接物之際必然合時措之宜故曰義在其中蓋有體必有用也

學問之事固井二端然其道則在於求其放心而已蓋能如是則志氣清明義理昭著而可以上達不然則昏昧放逸雖自從事於學而終不能有所發明矣故程子曰聖賢千言萬語只是欲人將已放之心約之使反覆入身來耳能尋向上去下學而上達也此乃孟子開示切要之言程子又發明之曲盡其指學者宜服膺而勿失也

叅太全彼學問之道非正二端如講習討論琢磨涵養持守踐行擴充克治皆是其所以如此者非有他也凡以收斂此心不啻于物間斷求吾所失之仁而已矣心存而仁存仁存而義亦存矣使放心不收則何者爲學問之道哉

柳講太全朱子曰求放心也不是外面求个放心來只是求

時便在卽如我欲仁斯仁至矣只是欲仁便是仁了迷則千里覺則現前孟子謂學問求放心又謂有是四端知皆擴而充之說得最好人之丁心在外者要收入來在內者又要推而出去孟子一部書皆是此意○語類無他而已矣云云不是學問之道止有求放心一事乃是學問之道皆所以求放心○如聖賢一言一語都是道理○求放心兼靜存動察言此因三上言放心不知未而深明放心之當求也○新安陳氏曰放心不欲也求放心遇不欲而存天理也求放心卽所以求仁也此章歸宿住下求放心上寢歸宿在求仁上○求放心非以三心求中下心求底便是已後之心

今有章全旨此章亦因人之不知有心而比類以微揚之心不入也若人以屈于物欲而言上節特以起下節耳
若入也信與仲同

孟子曰今有無名之指屈而不信非疾痛害事

也如有能信之者則不遠秦楚之路爲指之不

若入也

信與仲同

無名指手之第四指也

卷序孟子曰今人設有無名之指屈曲而不能伸非甚病痛而害事也則仲之可不伸亦可如有人能醫治之而轉屈爲信者則不遠秦楚之路以求之焉此

何爲也爲其指之屈不如入之信也

析講蒙引無名指手之第四指也非人所繫要者故謂無名指以其不切于用也○王觀濤曰不遠秦楚

謂不以秦楚爲遠不是自秦之楚自楚之秦

指不若人則知惡之心不若人則不知惡此之

謂不知類也

惡去聲

不知類言其不知輕重之等也

叅淺說指至輕者指之伸不若人則知惡之必欲其伸而後已心至重者心屈于物欲而直不若人則不知惡而不思靜存動察以求之此之謂不知輕重之類也入盍反而求哉析講類字是比類之類心與指相較則輕重了然彼自不知耳心不若人人字指聖賢不屈于物欲者言

拱把章全旨

此章示人以身之當養，拱把三句輕輕引起，見人之明于養物而昧于養身，至千身句重看，其挑撥在

人處，在愛字而養字尤重，故說身只根養字說愛。

桐梓則知養愛身，則不知養，弗思之甚全在此處。

孟子曰：拱把之桐梓，人苟欲生之，皆知所以養之者。至於身而不知所以養之者，豈愛身不若桐梓哉？弗思甚也。

拱，兩手所圍也。把，下于所握也。桐梓，二木名。

參淺說：孟子曰：拱把之桐梓，不過于物之微耳。人苟愛其材之美而欲有以生之，則必培植灌溉，皆知所以養之者。至于吾身爲萬物主，三綱五常係焉，四端萬善備焉，其當養爲何如？而不知所以養之，以使其身之歸于善者，豈真愛身不若桐梓哉？心有所蔽而不思，甚也。傳恩之，則知吾身之重而養口不容已矣。

柳葉蒙引：身以心爲主，興上下章意同；觀下章言人之于身。

也至無以小害大，可見自此對桐梓言，故只日至于身，而不知所以養之，所以養之者治其心而已。○王觀濤曰：所以二字重看，若以聲色嗜味之類養之，反以戕之，便是不知所以養身。○思字勿深，發蓋身與桐梓輕重易明，只是人不曾想到耳。須會得提醒人意，所以養包得甚廣，內包心，外包動容周旋而言，養之之道全在謹于內外，使吾身爲仁義禮智，辟面益背之身非徒養其口體血氣之身也。欲生之者愛其材之美而欲其生長也，養之正所以愛之也。不知所以養身，便是不愛身，弗思二字對，不知所以養看益思，則知吾身之重，而不可不養矣。

人之章全旨

此章言養身之善否，决于已而戒養身者不可以小害大也。其緊要在所以考其善不善，三句曰：賤場師曰：狼狽人，兩引喻都着，則爲二字見養，小者爲小，大者爲大，不能考其善不善耳。未二節反覆言養小之必害乎大，以見小之必不可養。養大體則小體皆得其養，所謂辟面益背，四體不言而喻，是也。養小體必至失大體，所謂失其本心，是也。此善不善之分也。如此看，正與兼養兼愛相應。

孟子曰人之於身也兼所愛兼所愛則兼所養也無尺寸之膚不愛焉則無尺寸之膚不養也所以考其善不善者豈有他哉於已取之而已矣

人於一身固當兼養然欲考其所養之善否者惟在反之於身以審其輕重而已矣

參淺說孟子曰凡人之于其身也百體具焉自入之情言之皆兼所養而不忍傷者也然養所以成其愛既兼所愛則必兼所養而維持調護之矣無有尺寸之膚不自愛焉則無尺寸之膚不欲養也然欲于無所不愛之中而審辨其所養善否之異何者養得其道而爲善何者養失其道而爲不善豈有他哉亦惟于已一身審其何者在所當急何者在所當緩養其所急則善養其所緩則不善等級分數近取于身而自得之而已矣何他求于之有

折譏所以考其善不善三句包盡前後大旨重看人之于身五句雖反說人情寔屬漫養無別以起下自考之意○愛以心言養以事言養以成愛重養邊于已取之言其等級分限當身而具自可執以稽善否不俟外詒也註輕重字即下貴賤太小字且勿露矣

體有貴賤有小大無以小害大無以賤害貴養其小者爲小人養其大者爲大人

賤而小者口腹也貴而大者心志也

參序善不善取之已者亦以已身衆體有不分也有所獨尊而爲貴有惟令是從而爲賤有名分一形而爲小有兼統衆形而爲大貴且大者在所當重賤且小者在所當輕也大可以該小切不可以小害大貴可以役賤切不可以賤害貴故養體者於此若徒養其小者而重其所當輕便是從人欲而爲卑下之小人必須養其大者而重其所當重便能克天理而爲高明之大人此善不善之所以分而不可不自考也

析講賤

小自是口腹貴大自是

心志然口腹字在末節二方見

心志字通章不二露只宜渾說○大全蔡氏曰此節止于已取之之意無以害尚未說到養見得當審其輕重也○賤小

凡耳目手足之類皆是朱子因下文專言飲食之人故以口腹屬小體正不可泥看○末二句只言大小而貴賤自在其中

今有場師舍其梧樑養其楓棘則爲賤場師

舍上聲橫音

賈栻音貳

場師治場圃者梧桐也樑梓也

皆美材也楓棘小棗非美材也

參序奈何今之不善養而爲小人者多也如今有場師于此舍其梧樑有用之才而養其楓棘無用之才是美惡莫辨而失其所當養者也則爲賤場師焉

析講大全蔡氏曰此就物上比養小失大

養其一指而失其肩背而不知也則爲狼疾人也

狠善顧疾則不能以爲失肩背之喻

參序人若養其一指之細而自失其肩背之大而不之知也則是無善顧之明而爲狼疾人也觀養木與

養指者之弊可見人之養身當養其大者矣

析講大全蔡氏曰此就身上例養亦失大○肩背臂大意非真以肩背爲大也一指肩背俱小體中則大小耳狼善顧若有一處病則周身皆不顧矣一節總以起

下飲食之人一節不必分賤害貴不害大

飲食之人則人賤之矣爲其養小以失大也

爲夫聲

飲食之人專養口腹者也

參直解所以天下食者飲食之人從于飢渴不擇正味則人

皆輕賤之矣爲其此圖饜足不顧康寧養者小而失者大而不免于賤場師

狼疾人之訛也

析講此節與下節反覆叫應此言養小者必害大下言不害大雖養小亦可然都是假設之詞正見養小之必害大也則

人賤之此人字指大不人一輩賤之

正賤其爲賤場師狼疾人之類也

飲食之人無有失也則口腹豈適爲尺寸之

膚哉

此言若使專養口腹而能不失其大體則口腹之養驅命所關不但爲尺寸之膚而已但養小之人無不失其大者故口腹雖所當養而終不可以小害大賤害貴也

劄序使飲食之人雖所養者小而于大者無所失也則口腹乃軀命所關豈適爲尺寸之膚而已人又何爲而賤不也哉

但養小之人無不失其大者此其所以可賤也

愛身者亦審善養之道而養其太體而已矣

析講麟士曰前原說無尺寸之膚不愛不養况口腹不但尺寸乎昭應理如此也○三失字一串反覆可玩○王觀濤曰

未節設言若養小而不失大則口腹亦是要體何以養而取爾

失耶不但爲尺寸之膚尺是言所係亦重○適猶僅也祇也

○新安陳氏曰此章言人當以養心志爲重養口體爲輕非

謂養心志者不養口體也養心志則道心爲主而人心退據

雖飢食渴飲與常人同而食所當飲所當飲自與常人異

若專養口體則人心愈危道心愈微不至干窮口腹之欲而
滅天理者鮮矣孟子于此欲人不養小人以失天蓋所以遏人欲而存天理也

釣是章全旨

通章綱領全在從其大體爲大人句而先立平大

釣是章全旨句是功夫下手處思之一字則又指出關鍵思正

所以先立之也此是要人從形體中認出主宰則能贊能參

的人卽此能視能聽的人莫大品格全在自己心上做出來

公都子問曰釣是人也或爲大人或爲小人何也孟子曰從其大體爲大人從其小體爲小人

鈞同也從隨也大體心也小體耳目之類也

劄序公都子曰釣是人也其品宜無不同矣乃或名爲大人或名爲小人此何故也孟子曰人之當身體備大小如太豐爲主從其主張便進于高明而爲大人如小體爲王從其馳逐便流于卑下而爲小人所從分故其人亦分也

析講大全蔡氏曰此云釣是人也宜其所成就皆同也取爲二十句究其人品之異後云釣是人也宜其所趨向同也或從

曰鈞是人也或從其大體或從其小體何也
曰耳自之官不思而蔽於物物交物則引之
而已矣心之官則思思則得之不思則不得
也此天之所與我者先立乎其大者則其小
者不能奪也此爲大人而已矣

官之爲言司也耳司聽目司視各有所職而不能思是以蔽於外物既不能思而蔽於外物則亦一物而已又以外物交於此物其引之而去不難矣心則能思而以思爲職凡事物之來心得其職則得其理而物不能蔽失其職則不得其理而物來蔽之此三者皆天之所以與我者而心爲大若能有以立之則事無不思而耳目之欲不能奪之矣此所以爲大

人也然此夫之此舊本多作比而趙註亦以比方釋之今本既多作此而註亦作此及末譌孰是但作比字於義爲短故且從今本云○范浚心箴曰茫茫甚興俯仰無垠人於其間渺然有身是身之微太倉稊米參爲三才曰惟心耳目手足動靜役之間孰無此心心爲形役乃獸乃禽惟口耳目手足動靜役之間抵隙爲厥心病于心之微衆欲攻之其與存者嗚呼幾希君子存誠克念克敬天君泰然百體從令

叅淺說曰鈞是人也其趨向宜無不同矣乃或從其大體或從其小體者何也孟子曰惟大體小體所取不同故人所從亦不同也小體維何耳之職司聽目之職司視皆以形用而自不能思其視聽之理是以聲色之外物得以蔽之則耳目亦一物而已以聲色之外物交于耳目之物則耳隨好聲而馳目隨邪色而動引之而去已矣此耳目之所以爲小體也若夫心則至虛至靈以思爲職凡事物之來盡其職而忠則得其應接之理失其職而不忠則不得其應接之理思不思人之所以與我者苟知心之爲大體而于物感未交之時先有大關于得失之重如此此心之所以爲大體也小體大體皆天之所以與我者苟知心之爲大體而于物感未交之時先有大以立之養得心體定靜使之卓然而精明超然而坐漸不失矣

其無思而無不思之官則事至能發物來能慮視心視其所當視而視遠惟明聽必聽其所當聽而聽德惟聰耳目之欲豈得而奪之哉能從其大體如此則理無不全德無不備與天地相似與聖人同歸而非庸常

衆人所可及也此所以爲大人也

析議從大體是心能爲身之主使耳目從心之令從小體是心不能爲身主反聽命于耳目也勿誤認作從事之從耳目之官四句明耳目所以爲小體心之官三句明心所以爲太體此天四句正言從其大體爲大人而小人不自見矣○三個物字不同上二物字指外之聲色下物字指耳目物引處就是蔽物處勿作引心看○先立三句全重思上立者正于思處用功所謂敬以直內是也須在聲色未交之時與方交之始先有主張此亦不是矜持把捉只是養得心體定靜而天理自强不息○大金蔡氏曰或從其大體一句是兩開問耳目之官至引之而已矣心之官至大人而已矣亦兩開啓引者是引耳使聽引目使視也不得不拘一切應事之理言而當視當聽之理亦在其中三句正形容能思的心足以覺悟主張平物理正與蔽物三句相反○先立就是不

有天章全旨

此章爲慕人爵而舉天爵者發總是欲人修天爵之意首節言有天人之分下嘆古今人之不相及也天爵二句孟子立言語氣雖分別天人寔重天爵邊日惑之甚曰終必亡都是點醒世人語

孟子曰有天爵者有人爵者仁義忠信樂善不倦此天爵也公卿大夫此人爵也 樂音一

天爵者德義可尊自然之貴也

剩序孟子曰人情莫不重爵矣然有自然之貴與生俱來而爲天所賦畀之爵者有固然之貴因世而設而爲人所賜予之爵者天何謂天爵心之德愛曰仁心之裁制曰義仁義發諸心無不盡曰忠仁義見諸事無不寔日信樂此仁義忠信之善自始至終而不倦此皆秉懿好德不假于勢而自尊爲天爵也何謂人爵公一位卿一位大夫一位頒自朝廷名分各別此恨于勢而後尊爲人爵也

析講此節平說不必追側是人爵人爵亦御世之大分不可廢也

二、者、
新安陳氏曰樂善即樂此仁義忠信忠信只是誠實此

也○樂善不倦就自然本體說不必作用功言卽秉懿之好

理義之悅也下修字義說用工處○蒙引仁義兼舉體用道

理已盡了忠信則仁義之發于心而見于事者無一之不寔

樂善不倦則仁義之寔者又無一息之間謂之天爵者非人所得而貴賤者也

古之人脩其天爵而人爵從之

脩其天爵以爲吾分之所當然者耳

人爵從之蓋不待求之而自至者也

參湊說夫天爵爲吾所固有而非若人爵之得于外至則天爵之當修也明矣而能修者惟古人古昔盛時人心淳厚學惟爲已盡夫仁義忠信之理造于樂善不倦之地以修其天爵者盡吾分之當然初無異于人爵也而人爵從之道德尊而名譽著公卿大夫之位不期得而自得矣

析講此二節不平看思古所以傷今也重傷今意古人修大

今之人脩其天爵以要人爵既得人爵而棄

其天爵則惑之甚者也終亦必亡而已矣

要音敬

要求也脩天爵以要人爵其心固已惑已得人爵而棄

天爵則其惑又甚焉終必弃其所得之人爵而亡之也

參湊說今之人則異于古之人矣富貴利欲之心勝知人爵之必由于天爵而致也于是修其天爵以要求人爵之階初非無所爲而爲者也既得人爵則所期既滿遂以天爵爲無用而棄之不修矣修天爵以要人爵既不知天爵之爲吾固有其心已惑矣得人爵而棄天爵又昧于所以得人爵之本則惑之甚者也天爵既棄而人爵其可保乎其所得之人爵終亦必亡而已矣

析講大全新安陳氏曰或問修其天爵亦有人爵不從之者

棄其天爵亦有二个爵終不亡者何也曰修天爵自有得人而之理棄天爵自有亡人爵之理其不得者上之遺賢其不亡者下之僥倖豈常理哉○終必亡言其有必亡之理也此有戒今人以法古人之意見卽爲一个爵計恐不賞二十日不修天爵○修有所要已是惑旋裏所修則愈惑故爲惑之甚惑猶言昏昧也

欲貴章全旨

此就人欲貴之心而動之以良貴之思總以見人貴不足榮而良貴爲可願也○首節欲人思

良貴次節言人貴之不足貴未節言良貴之真可貴

孟子曰欲貴者人之同心也人人有貴於已

者弗思耳

貴於已者謂天爵也

參序孟子曰人在世間誰安卑賤故慕人爵之貴而欲得之者人之同心也但人人有貴在於已無

待外求而自足者特典反而自思耳

柳講弗思耳三十字最提醒人處言人本自有貴於已者

人之所貴者非良貴也趙孟之所貴趙孟能賤之

人之所貴謂人以爵位加已而後貴也良者本然之善也趙孟晉卿也能以爵祿與人而使之貴則亦能奪之而使之賤矣若良貴則人安得而賤之哉參序不思已貴而乃求人之貴豈知貴之在已者乃本然之貴所謂良貴也人之所以爵加已而後貴者乃外至之貴非良貴也彼趙孟操爵祿而奪之權者也趙孟之所貴節趙孟能奪而賤之人之所貴亦何足貴哉

柳講人之所貴與下人之脅乘人之文繡此三八字俱指操爵祿人之柄者言如趙孟輩便是趙孟二句重能賤邊正見非良貴而不足慕也○晉文公爲

盟主趙文子執政故曰能貴賤人

詩云既醉以酒既飽以德言飽乎仁義也所以不願人之膏梁之味也今聞廣譽施於身所以不願人之文繡也

聞幸

詩大雅既醉之篇飽充足也願欲也膏肥肉梁美穀令善也聞亦譽也文繡衣之美者也仁義充足而聞譽彰著皆所謂良貴也○尹氏曰言在我者重則外物輕參淺說人之奔走于趙孟之門者不過願其膏梁我文繡我耳不知能得夫已之所貴者又豈肯慕夫人之所貴也良貴之可欲于何見之詩六既醉我以酒又飽我以德所謂既飽以德者言其飽足乎仁義而良貴在于我也仁義飽于已則懿好無窮自有無味之至味極天下之可嘗者孰有過于理義之悅心者乎所以不願人之膏梁之味也飽乎仁義雖不求聞譽而令聞廣譽自施于身則榮施無盡自有不文之至文極天下之可慕者孰有過于寔大而聲弘者乎所以不願人

之文繡也內重則外物皆輕良貴之可貴如此世之欲貴者思之
析講引詩正明其爲良貴重之所以字仁義充足聞譽彰著于人之所貴自能漠然無動于中不是願此不肖彼也○聞譽仁義中所自有不指聲譽說卽遯世不羈亦不害其爲聞譽○太全新安陳氏曰兩不願字卽中庸不願乎其外之意充足乎仁義之良貴則自無所慕乎人爵之榮矣○南軒張氏曰令聞廣譽君子非有欲之之心飽乎仁義則聞譽自至猶言爲善有名理之固然者也○存疑詩飽德主恩惠言此作德行之德斷章取義也仁義德之存聞譽德之發總是良貴

仁之章全旨

此章戒爲仁力杯水喻幾希之士薪火喻昌于不仁人欲加熾而終不可滅也亦終必亡天理愈微而終不能存世○仁不仁總是一心忠理欲不下作兩人看

孟子曰仁之勝不仁也猶水勝火今之爲仁

者猶以一杯水救一車薪之火也不熄則謂之水不勝火此又與於不亡之甚者也

與猶助也仁之能勝不仁自然之理也但爲之不力則無以勝不仁而人遂以爲真不能勝是

我之所爲有以深助於不仁者也

合卷孟子曰仁之勝夫不仁也猶水勝火道心爲主則人心退聽此固凶然之理也然所謂仁之勝不仁者謂其以常存之天理而過方萌之人欲耳序今之爲仁者欲以一念一息之仁而勝私欲錮蔽之不仁及其不勝不日爲仁之不力正而自誣之日仁不能勝不仁是猶以一杯之水救一車薪之火而思熄之也及其不熄則從而謂之日水不勝火此言之倡而不仁之人皆信以爲仁之難成將益堅其不仁之習而滅理縱欲無所不至矣豈非反助于不仁之甚哉乎

析講首二句言仁勝不仁必然之理第二句爲仁四句是言爲仁之不力此文一句言助人不仁亦終必亡句言自亡其仁總

是爲仁不力之弊也張南軒曰天理存則人欲消固不兩立

亦終必亡而已矣

言此人之心亦且自怠於爲仁終必并與其所爲

而亡之○趙氏曰言爲仁不至而不反諸已也

令參然非相助人之不仁已也吾知此人之心亦且厭倦忘

棄並與其所爲杯水之仁而亡之已矣爲石不力

之害如此有志爲仁者可諉于仁不勝不仁哉

五穀章全旨

此章是勉人用功于爲仁意五穀四句是借五穀之當熟以引起末句言爲仁之當熟也穀必熟方成爲美種仁必熟方成爲美德不熟不如荑稗非荑稗之可貴正見穀之當熟也仁如何熟此心純是天理時時皆仁處皆仁此方是熟其工夫寔在熟之前面左列得熟

的地位而已矣三字見必熟之而後可謂之仁也

孟子曰五穀者種之美者也苟爲不熟不如

荑稗夫仁亦在乎熟之而已矣

荑音蹄稗蒲
責反夫音扶

荑稗草之似穀者其寔亦可食然不能如五穀之美也但五穀不熟則反不如荑稗之熟猶爲仁而不熟則反不如爲他道之有成是以爲仁必貴乎熟而不可徒恃其種之美又不可以仁之難熟而甘爲他道之有成也

○尹氏曰日新而不已則熟

參序孟子曰五穀者大所生以養人人所資以爲食固種之美者也然必成寔而後爲美苟爲不熟反不如荑稗之有用夫五穀而可以使之不如荑稗平此所以必貴于熟也况夫仁爲本心之良兼統萬善至粹至精不猶五穀之萬種耶亦在乎克復日就功純無間使心卽仁仁卽心全其至粹至精之理以熟之而已矣豈可爲乏不力而出他道下哉

析講大全胡氏曰熟無容力熟之在平用力○蔡氏曰心如

穀種必以存養爲栽培以克復爲芸耨至于大機暢發德性堅凝方見熟處而已矣者必至于此而後已也

羿之章全旨

此章卽藝以况道見必不能廢成法教學邊俱

也

孟子曰羿之教人射必志於彀學者亦必志

於彀

彀古

羿善射者也志猶期也彀弓滿也

滿而後發射之法也學謂學射

參說孟子曰事必有法然後可成不觀之曲藝既引滿而後發者射之法也羿之教人射宜若有心得之巧矣乃其教之之法必志于彀學射者亦必志于彀蓋彀乃射之成法不能舍此而相爲授受也

大匠誨人必以規矩學者亦必以規矩

大匠工師也規矩匠之法也此章言事必有法然後可成師舍是則無以教弟子舍是則無以學曲藝且然况聖人之道乎

參序規矩以爲方圓者匠之法也大匠誨人宜若有獨運之智矣乃其教之之法必以規矩學匠者亦必以規矩蓋規矩乃工之成法不能舍此而相爲授受也曲藝且然况聖人之

道乎。大抵知行者造道之法也。康延之精于孔門之博約。本學之格致誠正古今之爲師爲弟。

子者其能舍是以爲教與學乎。析講四必字要。玩穀是射之法。舍此法何以善射。規矩是匠神不分。乃可命中。故曰志以用也。規矩無一定之則大小方員惟所用之。故曰以○起纖處更發出正意。博文以致知。約禮以力行。乃聖道之穀率規矩也。大全輔慶源曰。射者志于穀而真積力久。則善中矣。工者守乎規矩而真積力久。則能巧矣。教者與學者舍穀而言中。舍規矩而言巧。皆诬也。

孟子卷之十一

早稻田大学図書館

011888004221